

**KJKP „VODOVOD I KANALIZACIJA“ d.o.o. SARAJEVO
DIREKTOR
Izvod broj: KZ 37/20 Lot 2**

Sarajevo, 08.07.2020. godine

Na osnovu člana 69. stav 2. tačka d) i člana 70. stav 1. 4. i 6. Zakona o javnim nabavkama (Sl. glasnik BiH br. 39/14), člana 27. Pravilnika o nabavci roba, vršenju usluga i ustupanju radova KJKP „Vodovod i kanalizacija“ d.o.o. Sarajevo i člana 41. Statuta preduzeća, na preporuku Komisije za javnu nabavku broj KZ 37/20 Lot 2 od 24.06.2020. godine, u postupku javne nabavke br. **KZ 37/20 Lot 2 „Opravka vozila VW u garantnom roku“** donosi se :

ODLUKA

o poništenju postupka javne nabavke

Član 1.

Poništava se postupak javne nabavke broj **KZ 37/20 Lot 2** za nabavku usluga : „**Opravka vozila VW u garantnom roku**“ iz razloga što nijedna od primljenih ponuda nije prihvatljiva a sve u skladu sa odredbama člana 69. stav 2. tačka d) Zakona o javnim nabavkama.

Član 2.

Ova odluka objavit će se na web stanici : www.viksa.ba istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 3.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj : KZ 37/20 od 19.05.2020. godine.

Javna nabavka je provedena putem konkurentskog zahtjeva za dostavu ponuda.

Procijenjena vrijednost predmetne javne nabavke bez PDV-a iznosi: 18.000,00 KM.

Obavještenje o nabavci broj: 247-7-1-47-3-173/20 poslato je na objavljivanje na Portal javnih nabavki dana 26.05.2020. godine.

Komisija za javnu nabavku imenovana je Rješenjem br. 01/20 od 07.01.2020. godine i dopunskim Rješenjem za promjenljive članove komisije br. KZ 37/20-1 od 19.05.2020. godine.

Komisija za javnu nabavku dostavila je dana 06.07.2020. godine Preporuku o poništenju postupka javne nabavke usluga: „Opravka vozila VW UP u garantnom roku“ – tender broj KZ 37/20 Lot 2.

Komisija za javnu nabavku je sačinila odgovarajuće zapisnike u kojima je utvrđeno sljedeće:

- Da je ukupan broj pristiglih ponuda : 1 (jedna) ponuda – „AC QUATTRO“ d.o.o. Sarajevo;
- Da je blagovremeno zaprimljeno : 1 (jedna) ponuda – „AC QUATTRO“ d.o.o. Sarajevo;

-Da nije bilo neblagovremeno zaprimljenih ponuda;

-Da dostavljena ponuda ponuđača „AC QUATTRO“ d.o.o. Sarajevo ispunjava zahtjevane tenderske uslove prema obliku i potpunosti u smislu pripreme ponude.

Pregledom ponude koja je zadovoljila uslove u formalnom smislu, Komisija je pristupila analizi dokumentacije priložene uz ponudu u smislu provjere kvalifikacije ponuđača, obzirom na iskazane zahtjeve ugovornog organa u tenderskoj dokumentaciji i konstatovala sljedeće:

R. br.	Zahtjevana kvalifikaciona dokumentacija	Ponuđač: „AC QUATTRO“ d.o.o. Sarajevo
1.	Tačka: 13 TD: Izjava o ispunjenosti uslova iz člana 45. stav (1) tačaka od a) do d) Zakona o javnim nabavkama – Aneks IV; Prilog 3.	DA
2.	Tačka 14.3 TD: Original ili ovjerena fotokopija Aktuelnog izvoda iz sudskog registra ovjerena od strane nadležnog organa – (Sud, Opština ili notar) ili Rješenja o registraciji ili ekvivalent odgovarajućeg dokumenta, koji nije stariji od tri mjeseca od dana izdavanja, a računajući od dana predaje ponude (Član 46. ZJN BiH), kojim se dokazuje da ponuđač ima pravo na obavljanje profesionalne djelatnosti i/ili da je registrovan u relevantnim profesionalnim ili drugim registrima zemlje u kojoj je registrovan ili da osigura posebnu izjavu ili potvrdu nadležnog organa kojom se dokazuje pravo da obavlja profesionalnu djelatnost, koja je u vezi sa predmetom nabavke.	DA

Ponuđač „AC QUATTRO“ d.o.o. Sarajevo u dostavljenoj Izjavi iz čl. 45. ZJN nije naveo broj obavještenja o nabavci kao ni vrstu postupka.

Komisija je stava da nepopunjavanje broja obavještenja o nabavci kao ni vrste postupka u navedenoj izjavi u konkretnoj nabavci ne predstavlja nedostatak zbog kojeg bi ponuda trebala biti odbačena jer se iz sadržaja izjave nesporno utvrđuje da se ista odnosi na predmetni postupak nabavke, te je ista uredno potpisana i ovjerena, a također je upisan tačan naziv predmeta nabavke, kao i naziv ugovornog organa.

Komisija konstatuje da ponuđač „AC QUATTRO“ d.o.o. Sarajevo ispunjava kvalifikacione uslove, obzirom na iskazane zahtjeve ugovornog organa u tenderskoj dokumentaciji.

Pregledom ostale zahtijevane dokumentacije/aneksa-priloga, konstatovano je sljedeće:

R. br.	Ostala zahtjevana dokumentacija/aneksi-prilozi	Ponuđač „AC QUATTRO“ d.o.o. Sarajevo
1.	Tačka: 15 TD: Pismena izjava ponuđača iz člana 52. Zakona o javnim nabavkama – Aneks VIII; Prilog 4.	DA
2.	Tačka: 16.TD pod 1: Obrazac za ponudu – Aneks II; Prilog 1.	DA
2.1	Tačka: 16.TD pod 1.1.: Popis dokumenata uz ponudu koji čini sadržaj ponude – Aneks II; Prilog 1	DA
3.	Tačka: 20 TD: Obrazac za cijenu ponude – Aneks III; Prilog 2	Obrazac za cijenu ponude nije potpisan na predviđenim mjestima za potpis
4.	Tačka 31 i 36 TD: Nacrt okvirnog sporazuma – Prilog 6.	--
5.	Tačka: 31 i 37 TD: Nacrt ugovora o javnoj nabavci – Prilog 7.	--

R. br.	Ostala zahtjevana dokumentacija/aneksi-prilozi	Ponudač „AC QUATTRO“ d.o.o. Sarajevo
6.	Tačka: 43 TD: Povjerljive informacije – Prilog 5.	--

Ponudač „AC QUATTRO“ d.o.o. Sarajevo u dostavljenoj izjavi iz čl. 52. ZJN nije naveo broj obavještenja o nabavci kao ni vrstu postupka.

Komisija je stava da nepopunjavanje broja obavještenja o nabavci kao ni vrste postupke u navedenoj izjavi u konkretnoj nabavci ne predstavlja nedostatak zbog kojeg bi ponuda trebala biti odbačena jer se iz sadržaja izjave nesporno utvrđuje da se ista odnosi na predmetni postupak nabavke, te je ista uredno potpisana i ovjerena, a također je upisan tačan naziv predmeta nabavke kao i naziv ugovornog organa.

Pregledom ponude ponuđača „AC QUATTRO“ d.o.o. Sarajevo konstatovano je da isti nije potpisao Obrazac za cijenu ponude – Aneks III; Prilog 2., na predviđenim mjestima za potpis (na str. 5 i 8 ponude), a što je isti bio obavezan učiniti prema tački 17.1.4 tenderske dokumentacije „Potpis i ovjera ponude“.

Navedenom tačkom je definisano da ponuda mora biti potpisana (svojeručno) od strane ovlaštenog lica podnosioca ponude te ovjerena pečatom podnosioca ponude, na mjestima/stranicama gdje je to u obrascima tenderske dokumentacije naznačeno (na mjestima/stranicama gdje piše potpis i pečat ponuđača).

Ponuđač „AC QUATTRO“ d.o.o. Sarajevo je bio obavezan postupiti u skladu sa pomenutom tačkom i potpisati se na mjestima koji su u Obrascu za cijenu ponude predviđeni za potpis i pečat odnosno gdje piše potpis i pečat ponuđača, a što ovaj ponuđač nije učinio.

S obzirom na navedeno, komisija konstatuje da ponuđač „AC QUATTRO“ d.o.o. Sarajevo nije postupio u skladu sa zahtjevima iz tenderske dokumentacije, te se ponuda ovog ponuđača u skladu sa odredbama članom 68. stav (4) tačka i) Zakona o javnim nabavkama odbacuje kao neprihvatljiva i ista nije predmet daljeg razmatranja.

Polazeći od gore navedene konstatacije i činjenice da za predmetnu nabavku nijedna od primljenih ponuda nije prihvatljiva, Komisija je utvrdila da su ispunjeni uslovi iz člana 69. stav 2. tačka d) ZJN za poništenje postupka javne nabavke, te je dala preporuku Ugovornom organu – ovlaštenom licu ugovornog organa da za predmetnu nabavku usluga: „**Opravka vozila VW u garantnom roku**“ – tender broj **KZ 37/20 lot 2** donese odluku o poništenju postupka javne nabavke.

Iz gore navedenih razloga, primjenom člana 69. stav 2. tačka d) ZJN, donesena je Odluka o poništenju postupka kao u članu 1. ove odluke.

Pouka o pravnom lijeku:

Protiv ove odluke može se izjaviti žalba, najkasnije u roku od 5 (pet) dana od dana prijema ove odluke.

Dostaviti:
-ponuđaču
- a/a



Direktor

Enver Hadžiahmetović, dipl.ing.maš.